

# Ժողովուրդ

140  
(2620)

5 հոկտեմբերի հրատարակում 2022  
տպագրության ժԱ տարի

Ք. Երևան, Արմավյան 22ա/3 (0010) +374 10 546423 info.armlur@gmail.com, info.zhoghovurd@gmail.com

100 դրամ

## ՆԻԿՈՒՄ ՓԱՇՏՆՅԱՆԸ ԽԱՔԵԼ Է ՄԱՍ 105



Օրեր առաջ՝ սեպտեմբերի 30-ին, ՀՀ վարչապետ Նիկոլ Փաշինյանը Հանրային հեռուստաընկերության եթերում հայտարարեց. «Ես պատրաստ եմ նաեւ շատ ուղիղ ու բաց տեքստով ներկայացնել մեր ժողովրդին. ինչու դա չեմ անում որովհետեւ դիվանագիտական կոռեկտությունն ու էթիկան թույլ չեն տալիս, որ բաց ևստեմ ու բոլոր մանրամասները ներկայացնեմ: Նաեւ փորձագիտական հանրության բավականին լայն շրջանակին եմ տեղյակ պահում, մարդկանց լայն շրջանակ է տեղյակ դրանից»: Այսինքն՝ նա բաց տեքստով ասում է, որ ժողովրդի հետ չի խոսելու եւ ոչինչ չի ներկայացնելու. փորձագետներին ինչ պետք է, իրենց խողովակներով իմանում են: Իսկ ի՞նչ էր ասում Նիկոլ Փաշինյանը դեռեւս 2018 թվականի օգոստոսի 17-ին Հանրապետության հրապարակում: Նա հայտարարում էր. «Ղարաբաղի հարցի լուծողը ժողովուրդն է, եւ ես ուզում եմ ասել հետեւյալը. եթե բանակցային գործընթացի արդյունքում կլինի կարգավորման մի տարբերակ, որին ինքս կհավատամ եւ կհամարեմ, որ դա լավ տարբերակ է, որեւէ մեկը չմտածի, թե ես ձեզնից թաքցնում եմ թույլ կատարագրեմ կամ որեւէ գործողություն կանեմ: Երբ տեսեմ, որ կա տարբերակ, որի շուրջ իսկապես կարելի է խոսել, ես կգամ եւ կկանգնեմ այստեղ, բոլոր մանրամասնություններով կներկայացնեմ ձեզ, եւ դուք կորոշեք՝ մենք գնում ենք այդ տարբերակով կարգավորման, թե չենք գնում: Կորոշեք, որ գնում ենք, ուրեմն կգնանք, կորոշեք, որ չենք գնում, ուրեմն չենք գնա: Դուք եք բարձրագույն իշխանությունը եւ որոշողը, եւ սրանում որեւէ կասկած չի կարող լինել»: Ստացվում է՝ չորս տարի առաջ Նիկոլ Փաշինյանը պատրաստ էր ժողովրդի առջեւ անկեղծ խոսել եւ ներկայացնել, իսկ հիմա խուսափում է: Իրականությունն այն է, որ նա հերթական անգամ խաբել է ՀՀ հպարտ եւ արժանապատիվ քաղաքացիներին:


Ուրեմն Վարդանյանը Արցախում շուտով պետևախարար կնշանակվի: «Ժողովուրդ» օրաթերթի լավատեղյակ աղբյուրները փոխանցում են, որ Արցախի Հանրապետության նախագահ Արայիկ Զարուբյանը մտադիր է նախ իրավաբանորեն լայն լիազորություններով օժտել պետևախարարի պաշտոնը՝ հավասարեցնելով վարչապետի լիազորություններին, եւ երկրի ողջ կառավարումը հանձնել Մոսկվայից Արցախ մշտական բնակության տեղափոխված Ռուբեն Վարդանյանին: Այդպես նաեւ Ռուբեն Վարդանյանի քաղաքացիության հարցը կկարգավորվի, քանի որ այսօրվա դրությամբ չի կարող որեւէ ընտրովի պաշտոն զբաղեցնել Արցախում: Մեր խիստ հավաստի աղբյուրները փոխանցում են, որ Արայիկ Զարուբյանը իրականում մտադիր է Արցախի իշխանությունը փաթեթով հանձնել Վարդանյանին եւ հեռանալ, պարզապես այս ընթացքում պիտի Վարդանյանը կարողանա իրեն արդարացնել եւ ապացուցել, որ արժանի փոխարինող է: «Ժողովուրդ» օրաթերթի աղբյուրները տեղեկացնում են նաեւ, որ Արցախի պետևախարար Արտակ Բեգլարյանը, որը բացառիկ պարկեշտ պաշտոնյաներից է, անգործ չի մնա. Նրան Արցախի կառավարական կաբինետում բարձր եւ պատասխանատու պաշտոն կվստահվի: Մինչ այդ Նրանք բոլորով պետք է օգնեն Վարդանյանին դիրքավորվել Արցախում եւ կառավարման ճկունություն հանդես բերել: Կարճ ասած, Ռուբեն Վարդանյանը փորձաշրջան է անցնում Արցախի Հանրապետությունում:



«Ժողովուրդ» օրաթերթին հասած տեղեկությունների համաձայն՝ վարչապետ Նիկոլ Փաշինյանի ավտոշարայան կողմից վթարի ենթարկված Սոնա Մնացականյանի գործով քրեական վարույթով հարցաքննվել են ՀՀ ազգային անվտանգության ծառայության պետական պահպանության ծառայության աշխատակիցները, ոստիկանության ծառայողները, բոլոր ակնատեսները, բացի Նիկոլ Փաշինյանից: Նա մինչ օրս չի հարցաքննվել: Դեռեւս 2020 թվականին ՀՀ վարչապետ Նիկոլ Փաշինյանը իր ֆեյսբուքյան էջում հրապարակել էր. «Հայաստանի պատմության մեջ առաջին անգամ երկրի գործող ղեկավարը Քննչական կոմիտեի հրավերով ներկայացել է եւ քննիչի աշխատասենյակում պատասխանում է Նրա հարցերին: Հ.Գ. Քաղաքական հետապնդման տարրերը ակնհայտ են»): Հետագրքիր է՝ ինչու Նիկոլ Փաշինյանը այս դեպքով Նույն խանդավառությունը չցուցաբերեց, ինչը անում էր նախկինում ցույց տալու համար, թե ինքը անձեռնմխելի չէ: Միգուցե նա հասկացել է, որ այս դեպքով հարցաքննվելու դեպքում այլ հանգամանքներ ի հայտ կգան, որ իր դեմ կօգտագործվեն: Հիշեցնենք, որ ապրիլի 26-ին վարչապետի ավտոշարայան կողմից Պարոնյան-Լեո փողոցների խաչմերուկում մահացու վրաերթի էր ենթարկվել Սոնա Մնացականյանը, որը հղի էր: Ավտոշարայանն ուղեկցող որեւէ ավտոմեքենա չէր կանգնել, կնոջը չէր օգնել: Նրանք արագ սլացել ու հեռացել էին դեպքի վայրից:



ՀՀ ամենաերկար անուն ունեցող նախարարության՝ կրթության, գիտության, մշակույթի եւ սպորտի հարցերով նախարար Վահրամ Դումանյանի եւ փոխնախարար Ժաննա Անդրեասյանի հարաբերությունները շարունակում են լարված մնալ: Հատկապես վերջերս նրանց հարաբերություններն այն աստիճան են լարվել, որ Դումանյանը բացեիբաց ոչ միայն ցույց է տալիս իր վերաբերմունքը Անդրեասյանի նկատմամբ, այլ նաեւ նրան առնչվող աշխատանքները հանձնարարում է այլ աշխատակիցների՝ անտեսելով վերջինիս: ArmLur.am-ի տեղեկությունների համաձայն՝ Անդրեասյանն էլ իր հերթին նախարարին շատ հարցեր չի գեկուցում, այլ ուղիղ կառավարության հետ է աշխատում: Պատճառը, ըստ ArmLur.am-ի վստահելի աղբյուրների, այն է, որ իշխող «Քաղաքացիական պայմանագիր» կուսակցության ներսում ինչ-ինչ տրամադրություններ են փոխվել, ու չի բացառվում, որ Դումանյանին փոխարինի ոչ թե «Քաղաքացիական պայմանագիր» կուսակցության հիմնադիր անդամ Մխիթար Հայրապետյանը, այլ հենց Ժաննա Անդրեասյանը: Ու թեեւ այս խոսակցությունները դեռ միս ու արյուն չեն դարձել, ամեն դեպքում, ԿԳՄՍ նախարարության ներսում մթնոլորտը խիստ լարված է: Հաճախ աշխատակիցները չգիտեն՝ նախարար-փոխնախարար լարվածության պայմաններում ինչպես դրսևորել իրենց: Հանրային հեռուստաընկերության լրագրող Պետրոս Ղազարյանի տիկին Ժաննա Անդրեասյանը, ունենալով ամուր կապեր գործադիրում, խնդիր է դրել իր առջեւ ազատվել Դումանյանից, որին համարում է ոչ նորարար գաղափարների կրող: ArmLur.am-ը մեկնաբանություններ ստանալու համար կապ հաստատեց ԿԳՄՍ փոխնախարար Ժաննա Անդրեասյանի հետ, որը հակիրճ ասաց. «Ձեր տեղեկությունները ոչ մի ձեւ իրականությանը չեն համապատասխանում, եւ ավելացնելու որեւէ բան չունեմ»: Նախարար Դումանյանն էլ իր հերթին չցանկացավ որեւէ կերպ մեկնաբանել թեման:




ՔԱՂԱՔԱԿԱՆ

ՂԱՏՈՂՈՒԹՅՈՒՆՆԵՐ

1919-1920 ԹԹ.-Ի ԱԴԻԲԵՋԱՆԱԿԱՆ ՔԱՐՏԵԶՆԵՐ

1919-1920 թվականների Ադրբեջանի ֆառեգներից մեկով այդ սարածի մաս են կազմել նաև Գեղարքունիքի, Սյունիքի, Վայոց ձորի մարզերն ամբողջությամբ, Արարատի մարզը մասնակի եւ անգամ Երևանից մի հասված: Այդ մասին ArmLur.am-ի հեռ գրույցում նեց ֆառեգազիր Ըահեմ Ըահիմյանը:



Ինչպես հայտնի է, երեկ Նիկոլ Փաշինյանին պատկանող լրատվամիջոցը հրապարակել է, թե Ադրբեջանը Հայաստանից ինչ 5 հիմնական պահանջ ունի: Դրանք հետևյալն են՝

1. ԼՂ պաշտպանության բանակի լուծարում,
2. ԼՂ ճանաչում Ադրբեջանի կազմում, առանց որեւէ նույնիսկ ինքնավար կարգավիճակի, այսինքն՝ 0 կարգավիճակով,
3. միջանցք՝ Հայաստանի տարածքով,
4. սահմանազման եւ սահմանազատման գործընթաց 1919, 1920 թվականի քարտեզներով (առայժմ հայտնի չէ, թե կոնկրետ որ քարտեզների մասին է խոսքը).

5. անհետ կորած ադրբեջանցիների ճակատագրի պարզաբանում (ինարավոր է հետազայում Հայաստանին պատերազմական հանցագործությունների մեջ մեղադրելու միտումով):

Երեկ «Հայկական ժամանակ» օրաթերթում հրապարակվեց 5 կետ, որից մեկը ներառում էր 1919-ից 1920թթ.-ի քարտեզը: Այդ քարտեզի մասին ի՞նչ կարող եք ասել: Այդ ժամանակ Հայաստանը ի՞նչ սահմաններ է ունեցել:

Երբ խոսում ենք 1919-20 թթ.-ի քարտեզների մասին, առաջինը այն է, որ չպետք է դատողություններ անենք, քանի դեռ այդ քարտեզները հրապարակված չեն: Պետք չի ենթադրություններ անել, թե որ սահմանի մասին է խոսքը: Հաշվի առնելով ադրբեջանական կողմի նկրտումները՝ շատ մեծ հավանականությամբ խոսքը գնում է Արեւելյանի Ղեմուկ-րատական Հանրապետության՝ այսպես

կոչված 1-ին հանրապետության ժամանակ ստեղծված քարտեզի մասին, որը ստեղծվել է հենց այդ նույն հանրապետության շրջանակներում, սակայն չի եղել ճանաչված ոչ մի միջազգային կառույցի կողմից եւ չունի ոչ մի իրավական հիմք: Այդ քարտեզը չի ընդունվել 1-ին հանրապետության կողմից եւ անգամ չի էլ քննարկվել: Այդ քարտեզը միջազգային տեսակետից ոչ մի իրավական հիմք չունի բնականաբար, սակայն Ադրբեջանը, հանդես գալով ուժի դիրքերում, ցանկանում է պարտադրել եւ նմանատիպ մի քարտեզով լուծման գնալ:

Տարբեր տեղեկություններ են շրջանառվում, թե այդ թվականի քարտեզներից բացակայում են Սյունիքը, Վայոց ձորը, Գեղարքունիքի մի հատվածը: Ձեր մատնանշած քարտեզում այդպէս է իրավիճակը:

Պետք է նշեմ, որ այդ քարտեզը դեռ հրապարակված չի, սակայն ադրբեջանական կայքերում տարածված են քարտեզ

ներ, որտեղ Հայաստանի որոշակի մարզեր՝ ամբողջությամբ, որոշ մարզեր մասնակի պատկանում են Ադրբեջանի Հանրապետությանը: Ըստ այդ քարտեզների՝ Հայաստանը պետք է լիներ 11-ից 12- հազար քմ., շրջափակված լիներ ադրբեջանական տարածքներով, եւ, իհարկե, հետազայում ցանկանում է կլանել նաեւ այդ տարածքները: Այդ քարտեզի բուն էությունը Հայաստանի ոչնչացումն է: Եթե նույն սկզբունքով ընդունենք, ապա եթե Ադրբեջանը բանակցություններին ներկայացնի այդ քարտեզը, ապա մենք կարող ենք ներկայացնել արեւմտահայերի 2-րդ կոնգրեսի քարտեզը կամ, ասենք, մ.թ.ա. եղած Հայաստան պետության քարտեզը: Այդ քարտեզները, որոնք մենք ներկայացնում ենք, որոնք գոյություն ունեցող պետությունների կողմից ընդունված չեն եւ հիմք չեն հանդիսացել ոչ մի պետության կողմից, ապա այդ քարտեզները ոչ մի իրավական ուժ չունեն:

Ջրույցը ՆԱԻՐԱ ՀՈՎՀԱՆՆԻՍՅԱՆԸ

ՀՐԱՎԻՐԵԼ ԵՆ ՀԱՐՑԱՔՆՆՈՒԹՅԱՆ

«Ժողովուրդ» օրաթերթի բացառիկ տեղեկությունների համաձայն՝ ՀՀ ազգային անվտանգության ծառայությունը հարցաքննության է հրավիրել ԱԺ «Հայաստան» խմբակցության պատգամավոր Գեղամ Մանուկյանին: Վերջինիս հարցաքննության են հրավիրել քուրդ ազատամարտիկների՝ Թուրքիայում հայտնվելու դեպքով տարվող քրեական գործով: Անձամբ Գեղամ Մանուկյանից փորձեցինք պարզել տեղեկությունը, սակայն նա չցանկացավ մանրամասներ ներկայացնել՝ միայն հաստատելով, որ հրավիրվել է հարցաքննության: Հիշեցնենք՝ «Ժողովուրդ» օրաթերթը գրել էր, որ ԱԾ-ում քրդերի՝ Թուրքիայում հայտնվելու առեղծվածային դեպքով քրեական գործ է հարուցվել, եւ բավականին խիստ է դրվել հարցը. պարզել, թե ինչպես են երկու քուրդ ազատամարտիկներ՝ Աթիլա Չիչեքին եւ Հուսեյին Յըլդըրմին Թուրքիայում հայտնվել: Նշենք, որ Աթիլա Չիչեքին եւ Հուսեյին Յըլդըրմին Հայաստանում 2021 թվականի օգոստոսի 16-ին անցել էին Արաքս գետն ու ապօրինի կատել ՀՀ պահպանվող պետական սահմանը: Այդ արարքի համար ՀՀ վերաքննիչ դատարանը 5 տարի ժամկետով ազատազրկման էր դատապարտել նրանց, որը պայմանականորեն չէր կիրառվել՝ սահմանելով փորձաշրջան՝ 3 տարի ժամկետով: Քուրդ ազատամարտիկներն ազատ էին արձակվել հենց դատական նիստերի դադարից: Այսինքն՝ նրանք եղել են ազատության մեջ 7 ամիս, որից հետո անհասկանալի հանգամանքներում հայտնվել են Թուրքիայում: Այդ մասին ահազանգել էր ԱԺ «Հայաստան» խմբակցության պատգամավոր Գեղամ Մանուկյանը:

ՀԱՅՏՆԻ ԵՆ ԺԱՄԿԵՏՆԵՐԸ

Հայտնի են եվրոպական նապաստակի որսի ժամկետները: ՀՀ շրջակա միջավայրի նախարարությունն առաջարկում է եվրոպական նապաստակի որսի ժամկետները սահմանել այս տարվա նոյեմբերի 4-ից մինչեւ դեկտեմբերի 18-ը: ArmLur.am-ը տեղեկացավ, որ համապատասխան կենսամիջավայրում իրականացված հաշվառումների ընթացքում գրանցվել է եվրոպական նապաստակի՝ տարբեր գոտիներում թվաքանակի խիստ անհավասար բաշխվածություն: Բացի այս, պարզվում է, որ Վայոց ձորի եւ Սյունիքի մարզերում հնարավոր է որսալ վայրի խոզի եւս 15 առանձնյակ:

ԻՐԱՎԻՃԱԿԸ՝ ՏԱՎՈՒԾՈՒՄ

Ինչպես հայտնել ենք, հոկտեմբերի 3-ին՝ ժամը 21:30-ի սահմաններում, Ադրբեջանի ԶՈւ ստորաբաժանումները ակնասնտերի եւ խոշոր տրամաչափի հրաձգային զինատեսակների կիրառմամբ կրակ են բացել հայ-ադրբեջանական սահմանի արեւելյան հատվածում տեղակայված հայկական մարտական դիրքերի ուղղությամբ: Այս առնչությամբ ArmLur.am-ը գրուցել է Տավուշի մարզպետ Հայկ Ղալումյանի հետ՝ պարզելու համար, թե ինչ իրավիճակ է Տավուշի սահմանային համայնքներում: «Մեզ մոտ ամեն ինչ նորմալ է, մարդիկ ապրում են իրենց բնականոն կյանքով, եւ ոչ մի խուճապային տրամադրություն չկա», -նշեց մեր զրուցակիցը:

ՍՊԱՍԵԼԻ ԷՐ

ՀՐԱԺԱՐՎԵՑ ՂԱՏԳԱՄԱՎՈՐԱԿԱՆ ՄԱՆԻԱՏԻՑ

Մեղրիի նախկին ֆաղաֆաղե Մխիթար Զաֆարյանը երեկ դատաքննության մանդատից հրաժարվելու դիմում է ներկայացրել: Նա չի լինելու այլևս «Հայաստան» խմբակցության անդամ: Իհարկե, որոշումը սղասելի էր, բայց ամեն ինչի մասին՝ հերթով:



Չնայած Մխիթար Զաֆարյանի անցած պայքարի կարճ ճանապարհին, անցած լուրջ դժվարություններին՝ պետք է նկատել, որ նրա քաղաքական գործունեությունը խիստ անհասկանալի էր: Մեծ շուքով Սյունիքի մարզի մի քանի համայնքների ղեկավարներով ներգրավվեցին քաղաքական գործընթացում, բանտարկվեցին այդ հանդգնության համար, պատգամավորական մանդատ ստացան..., բայց Զաֆարյանը բանտից դուրս գալուց հետո երկու անգամ ներողություն խնդրեց Նիկոլ Փաշինյանից նրան վիրավորելու համար: 2 անգամ հանդիպեց Ալեն Սիմոնյանին եւ հիմա էլ դուրս եկավ խորհրդարանից: Այն, որ Զաֆարյանը գրել է, թե շարունակելու է իր գործունեությունը «Վերածնվող Հայաստան» կուսակցությունում, իհարկե, չափազանցություն է, քանի որ, ArmLur.am-ի տեղեկություններով, երկար ժամանակ է՝ նա ընդհանրապես կուսակցության հետ չի շփվում, կուսակցու-

թյան ղեկավար Վահե Հակոբյանի հետ առաջվա ջերմությունը չկա: Զաֆարյանն իրականում այդ նախադասությունը գրել է, որպեսզի հնարավոր հարվածներից հեռու մնա: Հասկանալի է, որ երկու ներողություններից հետո Զաֆարյանը որոշել է հարաբերությունները կարգավորել Նիկոլ Փաշինյանի թմի հետ եւ հանգիստ ապրել, ինչպես արեք Քաջարանի նախկին քաղաքապետ Մանվել Փարամազյանը՝ Նիկոլ Փաշինյանի կնոջը ծաղիկներ նվիրելով եւ կրկին համայնքի ղեկավար վերընտրվելով: Հավելենք, որ առաջիկայում չի բացառվում Սիսիանի նախկին քաղաքապետ Արթուր Սարգսյանն էլ նույն ճանապարհով գնալ եւ հեռանա «վերածնվողներից»՝ ապագան այլևերպ կառուցելով:

Հ. Գ. Երկար ժամանակ է ArmLur.am-ը փորձում է այս առիթով մեկնաբանություններ ստանալ Մխիթար Զաֆարյանից, սակայն նա կրտսկանապես հրաժարվում է հեռախոսազանգերից, հաղորդագրություններին պասսախանել:

ԻՐԱՎԻՃԱԿ

ՓԱՍՏԵՐ

ՀՀ-ԱՄՆ ՀԱՐԱԲԵՐՈՒԹՅՈՒՆՆԵՐԻ ԽՈՐԱՅՈՒՄ

ԵՌԱԲԼՈՒԲԻ ՄԻՋԱԳԵՊՈՎ

ՀՀ անկախության տոնի օրը Եռաբլուրում գոհված զինծառայողների՝ ոստիկանության կողմից ուժի կիրառմամբ բերման ենթարկված ծնողների միջադեպով հարուցվել է քրեական վարույթ, որը քննվում է ՀՀ քննչական կոմիտեի ՀԿԳ վարչությունում: ArmLur.am-ին հասած տեղեկությունների համաձայն՝ նախաքննական մարմինն այս օրերին ակտիվ կերպով հարցաքննության է հրավիրում ոստիկանության կարմիր և սև բերետավորներին, ինչպես նաև գրեթե ամեն օր հարցաքննվում են զոհված զինծառայողների ծնողները: Այս պահին քրեական վարույթով 6 ծնող տուժող է ճանաչվել: Ավելին, ArmLur.am-ին քրեական վարույթից ուշագրավ հանգամանքներ են հայտնի դարձել, թե ծնողները ինչ են պատմել իրավապահներին: Հարցաքննված ծնողները կրկնապես մեկ բան են նշել, որ ոստիկանները իրենց որբեւ պահանջ են ներկայացրել և անհամաձայն ուժ են կիրառել: Տուժած ծնողները դատաբժշկական փորձաքննության են ենթարկվել, բայց փորձաքննության պատասխանը դեռևս չկա: Հիշեցնենք, որ սեպտեմբերի 21-ի վաղ առավոտյան, երբ ծնողները Եռաբլուրում էին եւ փորձում էին թույլ չտալ Փաշինյանի մուտքը, ոստիկանությունը, բիրտ ուժ կիրառելով ու մարմնական վնասվածքներ հասցնելով, նրանց հեռացրեց տարածքից: Այս դեպքով նաև ոստիկանության Ներքին անվտանգության ծառայությունում է կատարվում ծառայողական քննություն: Հավելենք, որ միջադեպից հետո մի շարք հասարակական կազմակերպություններ և զոհված զինծառայողների ծնողներ պահանջեցին ՀՀ ոստիկանապետ Վահե Ղազարյանի հրաժարականը:

ՀԱՎԵԼԱՎՃԱՐՆԵՐ

ՀՀ ազգային ժողովը քննարկեց Հակակոռուպցիոն կոմիտեի օպերատիվ հետախուզական գործունեություն իրականացնող ստորաբաժանումների աշխատակիցների հավելավճարի հնարավորությունը: Նախագծով առաջարկվում է յուրաքանչյուր տարվա աշխատանքային ստաժի դիմաց հաշվարկել 2 տոկոս հավելավճար: Առաջարկվում է այս փոփոխությունն ուժի մեջ դնել 2024 թվականի հուլիսի 1-ից: Հատուկ քննչական ծառայության լուծարման շրջանակներում նախկին աշխատակիցները տեղափոխվել են ոչ միայն Հակակոռուպցիոն կոմիտեի, այլ նաև դատախազություն կամ քննչական այլ մարմիններ: Եվ խնդիր էր առաջանում այն տեսանկյունից, որ նրանց աշխատանքային ստաժը չէր դիտարկվում հավելավճարի կոնտեքստում, ըստ այդմ առաջարկվում է այս սոցիալական երաշխիքը եւ վերականգնել այդ աշխատակիցների համար, որոնք տեղափոխված կլինեն դատախազություն կամ քննչական մարմին: Երրորդ փոփոխությունը վերաբերում է Հակակոռուպցիոն կոմիտեի նախագահի վարձատրությանը: Հակակոռուպցիոն կոմիտեի նախագահը նշանակվել է շատ ավելի շուտ, քան ուժի մեջ է մտնել «Հակակոռուպցիոն կոմիտեի մասին» օրենքը: Ըստ այդմ առաջարկվում է հետադարձության կանոնի ուժով սահմանել, որ կոմիտեի նախագահի վարձատրության կտրոները շատ ավելի շուտ են ուժի մեջ մտնում, եւ պաշտոնի նշանակման պահից մինչեւ օրենքի՝ ուժի մեջ մտնելն ընկած ժամանակահատվածում եւս վարձատրությունը համապատասխան կերպով հաշվարկվում է եւ վճարվում է կոմիտեի նախագահին:

Այսօր ՀՀ վարչապետ Նիկոլ Փաշինյանի ընթացիկ դասկանող լրացված միջոցը հերթական հոդվածն է հրատարակել, այս անգամ՝ «Ի՞նչ է ուզում Ռուսաստանը. ի գիտություն Վեհափառ հայրապետի, երեք մախազահների և փորձագիտական հանրության» վերնագրով:

«Ռուսաստանը Հայաստանից համարյա ուզում է այն, ինչ ուզում է Ուկրաինայից, որ այն դառնա «Ռուսաստան-Բելառուս» միութենական պետության կամ Ռուսաստանի մաս: Ու եթե Ուկրաինայի դեպքում նման արդյունքի համար ՌԴ-ն օգտագործում է ռուսական եւ գուցե բելառուսական զորքերը, Հայաստանի դեպքում օգտագործում է Ադրբեյջանի եւ որոշ չափով էլ ՀՀ-ում տեղակայված ռուսական զորքերը:

Գործողությունների իմաստը հետեւյալն է՝ ցույց տալ Հայաստանի անվտանգային խոցելիությունը, որպեսզի վերջինս թույլ առաջ դիմի «Ռուսաստան-Բելառուս» միութենական պետության մաս դառնալու համար: Այս տրամաբանությունը զարգացնելու քայլերը Ադրբեյջանի ագրեսիվությունն է, ՀՀ-ում տեղակայված ռուսական զորքի իներտությունը, Ռուսաստանի քաղաքական իներտությունը եւ Հայաստանին գեղքի մատակարարման պարտավորությունները չկատարելը: Վերջին գործիքի կիրառումը պատահական չէ եւ օգտագործվել է նաև նախկինում, զորորինակ՝ 2016-ի պատերազմից առաջ եւ հետո: Հայաստանը պետք է հնարավորինս խոցելի լինի, որ հնարավորինս պինդ գրկի Ռուսաստանին... Ուկրաինայում գործերի ոչ այնքան հաջող ընթացքը ըստ էության ավելի է սրել 2011-ից հետո հաստատված այն վիճակը, որ Ռուսաստանը դժվարանում է հիմա արդեն 2020 թվականից հետո հաստատված ստատուս քվոյի երաշխավորը լինել: Խճաբերդն ու Փառուխը դրա վառ վկայությունն են: Թուրքիայի եւ Ադրբեյջանի դերը ավելի է մեծացել, եւ հիմա Ադրբեյջանը կարող է դառնալ ՌԴ-ից ԵՄ գազի եւ նավթի արտահանման հարթակ»,- նշվում է հոդվածում:



տահանման հարթակ»,- նշվում է հոդվածում:

Առհասարակ, վերջին շրջանում ՀՀ իշխանությունների քայլերի հաջորդականությունը հուշում է այն մասին, որ նպատակ է առկա ավելի խորացնել ՀՀ-ԱՄՆ հարաբերությունները:

Այդ տրամաբանությունն է առկա, երբ ուսումնասիրում եք ՀՀ պաշտոնյաների գործունեությունների դինամիկան: Մասնավորապես, սեպտեմբեր ամսվա ընթացքում ՀՀ պաշտոնյաները հենց ակտիվ են եղել ԱՄՆ մեկնելու առումով, եւ փոխադարձ այցել են եղել են: Մասնավորապես, խոսքը ՀՀ պաշտպանության նախարար Սուրեն Պապիկյանի, արտաքին գործերի նախարար Արարատ Միրզոյանի, Անվտանգության խորհրդի քարտուղար Արմեն Գրիգորյանի եւ, իհարկե, վարչապետ Նիկոլ Փաշինյանի մասին է:

Արմեն Գրիգորյանը, օրինակ, ԱՄՆ-ում է եղել սեպտեմբերի 21-ից սեպտեմբերի 29-ը եւ մի քանի հանդիպումներ ունեցել, այդ թվում՝ ԱՅ նախագահի օգնական Հիլմեր Յազեյի հետ: Պաշտոնական հաղորդագրության համաձայն՝ կողմերը քննարկել են ԼՂ հիմնախնդրի երկարաժամկետ խաղաղ կարգավորման գործընթացը, ինչպես նաև տարածաշրջանում խաղաղության հաստատման անհրաժեշտությունը:

Կարելի է վերջին ագրեսիայի հետեւանքների վերացումը:

Պաշտպանության նախարար Սուրեն Պապիկյանը եւս ԱՄՆ-ում է եղել եւ հանդիպումներ ունեցել: Պաշտոնական հաղորդագրության համաձայն՝ ԱՄՆ-ում նա այցելել է Կանգաս նահանգում գործող Սալինայի ուսումնական կենտրոն եւ հանդիպել Կանգասի աղյուսանտ գեներալ Ազգային գվարդիայի հրամանատար, գեներալ-մայոր Դեյվիդ Վեյջարի հետ, նաև հանդիպել Կանգասի նահանգապետ Լորա Քելլիի հետ:

Արտաքին գործերի նախարար Արարատ Միրզոյանն էլ Նիկոլ Փաշինյանի հետ էր մեկնել ԱՄՆ եւ հանդիպել ՄԱԿ գլխավոր քարտուղարի տեղակալին, Իրանի նախարարին եւ այլք: Սա եւս մեկ ապացույց, որ ՀՀ-ն խորացնում է հարաբերությունները ԱՄՆ-ի հետ: Սեպտեմբերի 20-ին էլ Հայաստան էր այցելել Ամերիկայի Միացյալ Նահանգների Կոնգրեսի Ներկայացուցիչների տան խոսնակ Նենսի Փելոսի գլխավորած պատվիրակությունը:

Միայն սեպտեմբեր ամսվա փոխայցերը վկայում են, որ երկուստեք հետաքրքրություններ են առկա:

ՆԱԻՐԱ ՀՈՎՀԱՆՆԻՍՅԱՆ

ՕՐՎԱ ԽՃԱՆԿԱՐ

ԱՆԴՐԱԳԱՐՉ՝ ՏԵՍԱՆՅՈՒԹԻՆ

Կանադայի արտաքին գործերի նախարար Մելանի Ջոլին անդրադարձել է ադրբեյջանցի զինծառայողների կողմից հայ ռազմագերիներին գնդակահարելու տեսանյութին: Ջոլին «Թվիթեր»-ի իր միկրոբլոգում գրել է, որ ադրբեյջանցի զինծառայողների կողմից հայ ռազմագերիներին մահապատժի ենթարկելու մասին հաղորդումները խորապես մտահոգիչ են:

«Նման բռնության մեղավորները պետք է պատասխանատվության ենթարկվեն, իսկ տարածաշրջանը պետք է վերադառնա կայուն իրավիճակի», - գրել է Ջոլին:

ՔՆՆԱՐԿՈՒՄ ՆԱԽԱԳԱՀՆԵՐԻ ՀԵՏ

Ամենայն հայոց կաթողիկոսը գնահատում է ՀՀ եւ ԼՂՀ նախագահների պատրաստակամությունը՝ հայտնի հանդիպման ձեւաչափով արձարծելու երկրի առջեւ ծառայած մարտահրավերները եւ դրանց հաղթահարման հնարավոր ուղիները: Այս մասին հայտնել է Մայր Աթոռ Սուրբ Էջմի-



ածնի տեղեկատվական համակարգի տնօրեն Տ. Եսայի քահանա Արթեմյանը՝ պարզաբանելով երեկ ՀՀ առաջին նախագահ Լեւոն Տեր-Պետրոսյանի հայտարարությունն այն մասին, թե իշխանությունների եւ ընդդիմության միջեւ Վեհափառ հայրապետի նախաձեռնած հարթակի անհրաժեշտությունը կարելի է սպառնալից համարել: Տ. Եսային տեղեկացրել է, որ Վեհափառ հայրապետը առանձին քննարկումներ կունենա նախագահների հետ, որոնց արդյունքում կհստակեցվի այս ձեւաչափով հանդիպումների շարունակությունը:

ԱՆՎԱՆԵԼ Է ՀԻՄԱՐՈՒԹՅՈՒՆ

Պեսկովը հիմարություն է անվանել հայկական պարբերականների հրապարակումներն այն մասին, թե Մոսկվան, իբր, ձգտում է հասնել նրան, որ Երեւանը անհամակցի Ռուսաստանի եւ Բելառուսի միութենական պետությանը: «Ոչ, սա հերթական հիմարությունն է», - ասել է Պեսկովը լրագրողների հետ զրույցում:



ԻՐԱՎԱԿԱՆ

ԼՈՒՐԶ ԽՆԴԻՐ

ՀԱՄԱՑԱՆՑԱՅԻՆ ԹՄԻՐԱՎԱՃԱՌՈՒԹՅՈՒՆ

ՀՀ ոստիկանությունից ArmLur.am-ին հայտնեցին, որ համացանցի միջոցով բնակությունների անօրինական վաճառքը լուրջ խնդիր է դարձել աշխարհի բոլոր երկրների իրավապահների համար, և Հայաստանն այս առումով բացառություն չէ: Արդեն երկար ժամանակ «Տելեգրամ» հավելված ասեխա առաջին միջին այն էր, թե խոսքը բնակավաճառության մասին է, և իրավապահների մտահոգությունը միայն «Տելեգրամը» չէ:



Ամիսներ առաջ Քրեական ոստիկանության ԹԱՇՂՊ վարչության կազմում ստեղծվեց համացանցի միջոցով թմրամիջոցների ապօրինի շրջանառության դեմ պայքարի բաժինը, որը համալրվեց ոչ միայն օպերատիվ աշխատանքի փորձ ունեցող, այլև տեղեկատվական տեխնոլոգիաների գծով մասնագետ աշխատակիցներով, և արդյունքը երկար սպասելի չտվեց: Օրերս բաժնի ծառայողների բազմակողմանի միջոցառումների արդյունքում բացահայտվեց հանցավոր խմբի կազմակերպած ապօրինի թմրաշրջանառության մի ողջ սխեմա: Համագործակցելով Կենտրոնական բաժնի քրեական հետախույզների հետ՝ սեպտեմբերի 20-ին Արամի փողոցում ձերբակալեցին հանցախմբի անդամներից մեկին և ներկայացրին վարույթն իրականացնող մարմին, որտեղ նա անհերքելի ապացույցների ճնշման տակ խոստովանական ցուցմունք տվեց: Հետագա օպերատիվ միջոցառումների և քննչական գործողությունների ընթացքում ձերբակալվածը Երեւանի տարբեր վայրերից իրավապահներին ներկայացրեց Մարիխուանայով լցված 6 փաթեթ, որոնք ինքը տեղադրել էր թաքստոցներում:

Այս դեպքում էլ ստեղծվել էր բավական լուրջ մեխանիզմ՝ նաեւ վերահսկողական ֆունկցիաներով: Բացել էին տելեգրամյան ալիք, որի միջոցով վերահսկում էին ալիքի շրջանակներում գործող էջերը: Օրինակ, եթե էջի կամ, այսպես ասած, «շոփի» օգտատերը թերանում էր թմրամիջոցի մատակարարման հարցում, կազմակերպվում էր օնլայն քննարկում, և օգտատերը, իր էջով հանդերձ, կարող էր արգելափակվել կամ վերացվել: Մեծ տեղ էր հատկացված նաեւ գաղտնիության ապահովմանը: Տելեգրամյան ալիքը կառավարում էր նաեւ համացանցի միջոցով իրացվող թմրամիջոցի դիմաց ստացած գումարը կոնկրետ վաճառողին փոխանցելու մեխանիզմը, ընդ որում այն իրականացվում էր կրիպտոարժույթով: Սա էլ արվում էր ֆինանսական գաղտնիությունը պահելու նպատակով: Այս ամենը, սակայն, մեր իրավապահների համար բացահայտման խոչընդոտ չէր: Սեպտեմբերի 29-ի գիշերը սկսած միջոցառումն իրավապահները շարունակեցին: Համագործակցելով Կենտրոնական բաժնի քրեական հետախույզների հետ՝ մայրաքաղաքի Կարախանյան փողոցում հայտնաբերեցին և ձերբակալեցին հանցավոր խմբի եւս մեկ անդամի, որի անձնական խուզարկությամբ հայտնաբերվեց Մարիխուանայի զանգվածով չորս փաթեթ: Ձերբակալված 30-ամյա երիտասարդը նույնպես խոստովանեց, որ օգտագործելով տելեգրամյան էջերը՝ զբաղվել է թմրամիջոցների իրացմամբ:

Նախաձեռնվել է քրեական վարույթ, երկուսն էլ կալանավորվել են: Իսկ Քրեական ոստիկանության թմրամիջոցների անօրինական շրջանառության դեմ պայքարի վարչության նորաստեղծ՝ համացանցի միջոցով թմրամիջոցների ապօրինի շրջանառության դեմ պայքարի բաժնի ծառայողները շարունակում են պայքարը չարիքի դեմ:

ԼՈՒՐԵՐ

ԳԵՌԵՎԱՍ ՓՆՏՐՈՒՄ ԵՆ

ArmLur.am-ի հավաստի տեղեկությունների համաձայն՝ քրեական հեղինակություն Արթուր Ղազարյանի՝ քաղաքացի Տույի գործով մաս կա անջատված, որով ՀՀ քննչական կոմիտեում քննությունը շարունակվում է: Ասել է թե՛ քրեական հեղինակության սպառնալուծությունից անցել է գրեթե մեկ տարի, և իրավապահները դեռեւս փնտրում են մեկ անձի, որն այդ օրը եղել է Արտյուշ Սիմոնյանի տանը և նրա մտերիներից է:

Նշենք, որ ՀՀ քննչական կոմիտեն նախաքննության ավարտ է հայտարարել քրեական հեղինակություն Արթուր Ղազարյանի՝ քաղաքացի Տույի, Աժ Նախկին պատգամավոր Արտյուշ Սիմոնյանի և եւս երկու անձանց սպառնալուծության դեպքով: Եվ, ահա, քրեական գործը դատարանում է և այն մակագրվել է Երեւան քաղաքի դատավոր Մանվել Շահվերդյանին:

Հիշեցնենք, որ 2021 թվականի նոյեմբերի 11-ին՝ ժամը 02:36-ի սահմաններում, Երեւան քաղաքի Քանաքեռ 16-րդ փողոցի 16 Ա տան բակում կրակոցներ էին հնչել, սպանվել էր Արթուր Ղազարյանը, Արայիկ Խաչատրյանը, Արթուր Բորյանը և Աժ Նախկին պատգամավոր Արտյուշ Սիմոնյանը: Այս գործով մեղադրյալի աթոռին են հայտնվել նախկին պատգամավորի մյուս երկու որդիները և նրանց տանը գտնվող բարեկամներից մեկը՝ Արսեն Ալեքսանյանը: Մյուս որդին ազատության մեջ է: Մեկ անձ հետախուզման մեջ է:

ՊԱՅԹՅՈՒՆԻՑ 2 ԱՄԻՍ ԱՆՑ

«Սուրմալու» առեւտրի կենտրոնի ողբերգական պայթյունից անցել է մոտ 2 ամիս, և մինչ օրս քրեական վարույթով մեղադրյալի աթոռին են հայտնվել 4 անձ: ArmLur.am-ին հասած տեղեկությունների համաձայն՝ նախաքննական մարմինը պատրաստվում է առաջիկայում հարցաքննության հրավիրել «Սուրմալու» առեւտրի կենտրոնի սեփականատեր Ռազմիկ Զախարյանին:

Հիշեցնենք, որ «Սուրմալու» առեւտրի կենտրոնում տեղի ունեցած պայթյունի գործով ձերբակալվածներից մեկը առեւտրի կենտրոնի փոխտնօրենն է, մյուսը՝ պայթած տարածքի վարձակալը, իսկ մյուս երկու ձերբակալվածները պահեստը շահագործողներն են եղել, սակայն ավելի ուշ փոխտնօրենը ազատ արձակվեց:

«Սուրմալու»-ի փոխտնօրենին ու վարձակալներից մեկին մեղադրանք է առաջադրվել հրդեհային անվտանգության կանոնները խախտելու համար, որն անզուգուրությամբ առաջացրել է մարդու մահ կամ այլ ծանր հետեւանք: Մյուս երկու անձինք մեղադրվում են անզուգուրությամբ երկու կամ ավելի անձանց կյանքից զրկելու համար:

16 մարդու կյանք խլած դեպքից ավելի քան 2 ամիս անց քրեական գործում դեռեւս կարգավիճակ չունի «Սուրմալու»-ի սեփականատերը:

Ողբերգական դեպքից 24 օր անց հարցաքննվել է 110 քաղաքացի, 85 անձ ճանաչվել է տուժող:

Ք. ՄԱՆՈՒԿՅԱՆ

ԼՈՒՐԵՐ

ՎԹԱՐԻ ՀԵՏՔԵՐՈՎ

ArmLur.am-ի տեղեկությունների համաձայն՝ Նիկոլ Փաշինյանի ավտոշարայան կողմից վթարի ենթարկված Սոնա Մնացականյանի գործով հարցաքննության են հրավիրվել և ցուցմունք են տվել Նիկոլ Փաշինյանի անվտանգության աշխատակիցները: Ասել է թե՛ հարցաքննվել են Ազգային անվտանգության ծառայության պետական պահպանության ծառայության ծառայողները, որոնք այդ օրը եղել են Նիկոլ Փաշինյանին ուղեկցող մեքենաների մեջ:

Հիշեցնենք, որ ՀՀ քննչական կոմիտեն առաջիկայում որոշում կկայացնի վարչապետի ավտոշարայան կողմից վրաերթի ենթարկված Սոնա Մնացականյանի մահվան դեպքով:

Մեզ հասած տեղեկությունների համաձայն՝ քննչական կոմիտեի կողմից կրկնակի դատաավտոտեխնիկական-դատատեսաձայնագրային փորձաքննության եզրակացությունը ստացվել է, և շուտով նախաքննությունը կավարտվի, վարույթի կյուբերը՝ մեղադրական եզրակացությամբ, կուղարկվեն դատարան:

Հիշեցնենք, որ ապրիլի 26-ին վարչապետի ավտոշարայան կողմից Պարոնյան-Լեո փողոցների խաչմերուկում մահացու վրաերթի ենթարկվել Սոնա Մնացականյանը: Վերջինիս ընտանիքի անդամներն ու փաստաբան Րաֆֆի Ասլանյանը պնդում են, որ մի շարք ապացույցներ «ոստիկանության համապատասխան ստորաբաժանման կողմից քննիչին չեն տրամադրվել»:

Ավելին, ՀՀ վարչապետ Նիկոլ Փաշինյանի ավտոշարայան կողմից Սոնա Մնացականյանին մահվան ելքով վթարի ենթարկելու դեպքն այնքան է անհանգստացրել միջազգային կառույցներին, որ նրանք կտրուկ քայլերի են գնացել: Մասնավորապես, մեզ հասած տեղեկությունների համաձայն՝ Գերմանիայի Բունդեսթագի բազմաթիվ պատգամավորներ վթարի հետեւանքով մահացած Սոնա Մնացականյանի դեպքով դիմել են ՀՀ կառավարությանը և Ազգային ժողովին: Ըստ ամենայնի, նրանք կոնկրետ հարցեր են ուղղել ՀՀ Ազգային ժողովին, թե ինչպես է ստացվել, որ գործով մեղադրյալը կալանքի տակ չէ:

Հավելենք, որ Նիկոլ Փաշինյանի ավտոշարայան ուղեկցող ճՈ ավտոմեքենան վրաերթի է ենթարկել հոյ կնոջը ու հեռացնել դեպքի վայրից: Քննչական կոմիտեն, սակայն, ի սկզբանե ճՈ մայրիկն մեղադրանք է առաջադրել միայն ՀՀ ՔՕ 242-րդ հոդվածի 2-րդ մասով, իսկ դեպքի վայրը լքելու հոդվածով՝ ոչ:

Հետագայում գործի նկատմամբ հսկողություն իրականացնող դատախազը ցուցում է տվել լրացնել մեղադրանքը՝ մեղադրանք առաջադրելով նաեւ ՀՀ ՔՕ 244-րդ հոդվածի 1-ին մասով, և կալանավորումը որպես խափանման միջոց ընտրելու միջնորդություն հարուցել: Արամ Նավասարդյանի մեղադրանքը լրացվել է, սակայն նա ազատության մեջ է:

ԻՆՔՆԱՍՊԱՆՈՒԹՅԱՆ ՓՈՐՁ

Հանրապետության հրապարակից 46-ամյա կնոջ են տարել ոստիկանության Կենտրոնի բաժին: ArmLur.am-ին հասած տեղեկությունների համաձայն՝ պարզվել է, որ կինը Երեւանի բնակիչ է և ցանկացել է ինքնասպանություն գործել՝ կամրջից ցած նետվելով:

ՔՆԱՐ ՄԱՆՈՒԿՅԱՆ

● Ըստ ոստիկանության տվյալների՝ հոկտեմբերի 3-ից 4-ը Հայաստանի Հանրապետությունում բացահայտվել է հանցագործության 52 դեպք, որոնցից 3-ը՝ նախկինում կատարված:

ՀԱՍԱՐԱՎՈՒԹՅՈՒՆ

ՄԱՐԶ

ՀՈՂԵՐԻ ՕՏԱՐՈՒՄ

2021թ. փետրվարի 26-ին վարչապետ Նիկոլ Փաշինյանի որոշումով Դիլիջան խոշորացված համայնքի ղեկավար Նշանակված, ԶՊ կուսակցության Դիլիջանի տարածքային կառույցի ղեկավար Դավիթ Սարգսյանը շարունակում է Դիլիջան քաղաքի հողերը մեծ թափով, շուկայականից ցածր գներով օտարել, այդ թվում՝ Երեւանի բնակիչների: Նախկինում փաստերով գրել են Դիլիջանի հողերը մայրաքաղաքի բնակիչներին վաճառելու մասին: Դիլիջան քաղաքում բնակավայրերի հողերի քառակուսի մետրի շուկայական նվազագույն գինը 10 հազար դրամ է, իսկ քաղաքի հողերը էժան գներով օտարելու հետեւանքով Դիլիջան համայնքի բյուջե չեն մտնում միլիոնավոր դրամներ: Դիլիջանի բնակիչները հայտնում են, որ վաղն իրենց տղաները տնամերձ հող չեն ունենալու, որ տուն կառուցեն, որովհետեւ համայնքի ղեկավար Դավիթ Սարգսյանը հողերը թափով ծախում է: Դիլիջանի համայնքապետարանի ինտերնետային կայքը տեղեկացնում է, որ Դիլիջանի համայնքի ղեկավարի 2022թ. հուլիսի 29-ի թիվ 536-Ա որոշմամբ 2022թ. օգոստոսի 30-ին աճուրդի է ներկայացվել Դիլիջան համայնքի սեփականությունը հանդիսացող բնակավայրերի հողերից 765.0քմ հողամաս Դիլիջան քաղաքի Վասիլեի փողոցի թիվ 46/9 հասցեում արտադրական նշանակության օբյեկտի կառուցման նպատակով, 5355000 դրամ մեկ-նարկային գնով: Կայացած աճուրդում 5355000 դրամ առավելագույն գնով հաղթել է Երեւանի Դավիթաշեն 3-րդ թաղ. շ. 24 բն. 9 հասցեի բնակիչ Նունե Աղասիի էլիզբարյանը, որի մասին հողամասերն աճուրդային կարգով օտարող հանձնաժողովի կողմից կազմվել է թիվ 10 արձանագրությունը:

Դիլիջանի համայնքի ղեկավարի 2022թ. հուլիսի 29-ի թիվ 536-Ա որոշմամբ 2022թ. օգոստոսի 30-ին աճուրդի է ներկայացվել Դիլիջան համայնքի սեփականությունը հանդիսացող բնակավայրերի հողերից 835.9քմ հողամաս Դիլիջան քաղաքի Վասիլեի փողոցի 128/3 հասցեում բնակելի տան կառուցման նպատակով, 5851300 դրամ մեկ-նարկային գնով: Կայացած աճուրդում 6143865 դրամ առավելագույն գնով հաղթել է Երեւանի Սասնա ծռեր փողոցի շ. 2 բն. 221 հասցեի բնակիչ Լեւոն Սարգսյանը, որի մասին հողամասերն աճուրդային կարգով օտարող հանձնաժողովի կողմից կազմվել է թիվ 6 արձանագրությունը: Դիլիջանի համայնքի ղեկավարի 2022թ. հուլիսի 29-ի թիվ 536-Ա որոշմամբ 2022թ. օգոստոսի 30-ին աճուրդի է ներկայացվել Դիլիջան համայնքի սեփականությունը հանդիսացող բնակավայրերի հողերից 148.0քմ հողամաս Դիլիջան քաղաքի Թեփլիսյան խճուղի թիվ 4/4 հասցեում հասարակական նշանակության օբյեկտի կառուցման նպատակով, 1036000 դրամ մեկ-նարկային գնով: Կայացած աճուրդում 1139600 դրամ առավելագույն գնով հաղթել է Երեւանի Արտաշատի խճուղի թիվ 90 հասցեի բնակիչ Արշակ Սարգսի Սարգսյանը, որի մասին հողամասերն աճուրդային կարգով օտարող հանձնաժողովի կողմից կազմվել է թիվ 9 արձանագրությունը:

ՈՍՎԻՆ ՄԱՐԳԱՅԱՆ Տավուշ

ՓՈՓՈԽՈՒԹՅՈՒՆՆԵՐ

ՀԱՇՏԱՐԱՐՈՒԹՅԱՆ ԱՌՅԱՆՑ ՀՆԱՐԱՎՈՒԹՅՈՒՆ

**Ազգային ժողովին է ներկայացվել կառավարության հեղինակած «Հաշտարարության մասին» օրենքում եւ հարակից օրենքներում փոփոխություններ ու լրացումներ կատարելու վերաբերյալ փաթեթը, որը միջամ է հաշտարարության ինստիտուտի կայացմանն ու զարգացմանը, ինչպես նաեւ դատարանների ծանրաբեռնվածության թեթևացմանը:**

Նախագծով սահմանվել են հաշտարարության առցանց իրականացման հնարավորություն, հաշտարարների ինքնակարգավորվող կազմակերպության մարմինների ձեւավորման կարգ եւ լիազորությունների վերաբերյալ հստակ իրավակարգավորումներ, հաշտարարությունը խթանող գործիքակազմեր, հաշտարարին կարգապահական պատասխանատվության ենթարկման հիմքերը, աշխատեք, կարգը եւ մի շարք այլ հարցեր:

Մշակվել է ոլորտի բարեփոխմանն ուղղված օրենսդրական նախագծերի փաթեթ, որով նախատեսվում են հետեւյալ հիմնական կարգավորումները.

- որոշ ընտանեկան գործերով նախքան դատարան դիմելը սահմանվել է պարտադիր հաշտարարություն իրականացնելու պայման: Մասնավորապես՝ առաջարկվել է ամուսնալուծության, երեխայի բնակության վայրի որոշման, ալիմենտի (ապրուստավճար) բռնագանձման, ամուսինների ընդհանուր սեփականությունը համարվող գույքի բաժանման, ծնողական իրավունքների իրականացման, երեխայի մերձավոր ազգականների՝ երեխայի հետ շփվելու արգելքները վերացնելու, երեխայի տեսակցության կարգ սահմանելու, ամուսնական պայմանագրի փոփոխման կամ լուծման վերաբերյալ գործերով միջնա դատարան դիմելը նախատեսել պարտադիր հաշտարարության պահանջ: Նշված վեճերով կողմերը կկարողանան դատարան դիմել միայն այս արտադատական կարգը պահպանելուց հետո: Օրենքի նախագծով առաջարկվել են նաեւ նշված կանոնի գործողության որոշ բացառություններ, օրինակ՝ եթե հնարավոր չլինի հաշտարար նշանակել, ապա կողմը կկարողանա առանց արգելքի դիմել դատարան: Պարտադիր հաշտարարության ինստիտուտի



սահմանման առումով կարելի է նշել, որ կողմերը չեն գրկվում դատական պաշտպանության իրավունքից եւ հնարավորություն ունեն դիմել դատարան վեճի լուծման արտադատական կարգի իրացումից հետո: Կարելի է միայն մասնակցել հաշտարարի հետ առաջին հանդիպմանը, եւ եթե կողմը հրաժարվի հաշտարարությունից, նա կարող է, ամեն դեպքում, դրանից հետո դիմել դատարան: Նման մոտեցումը համահունչ է ինչպես ներպետական սահմանադրական, այնպես էլ կոնվենցիոն իրավակարգավորումներին եւ ՄԻԵԴ դատական պրակտիկային:

-Սահմանվել է առցանց հաշտարարության իրականացման հնարավորություն՝ տեսաձայնային հեռահաղորդակցության միջոցների կիրառմամբ:

-Սահմանվել է հաշտարարի թեկնածուի ընտրության եւ նշանակման էլեկտրոնային կարգ:

-Սահմանվել են նաեւ հաշտարարների որակավորման գործընթացի կատարելագործմանն ուղղված իրավակարգավորումներ: Հստակ սահմանվել են հաշտարարների ինքնակարգավորվող կազմակերպության կառավարման մարմինները, վերջիններիս լիազորությունները:

-Նախատեսվել են հաշտարարին կարգապահական պատասխանատվության

ենթարկելու աշխատեք, հիմքերը, կարգապահական վարույթի առանձնահատկությունները:

Հարկ է նշել, որ նախագծով առաջարկվում են նաեւ մի շարք այլ կարգավորումներ՝ կապված հաշտարարական գաղտնիքի պահպանման, կողմերի հետ փոխկապակցվածության բացահայտման, դատարանի կողմից հաշտարարության նշանակման վերաբերյալ:

Նախագծերի ընդունումից հետո՝ առավելագույնը մեկ տարվա ընթացքում, Արդարադատության նախարարությունը ձեռնամուխ է լինելու գործող հաշտարարների վերապատրաստման եւ նոր հաշտարարների ներգրավման ու որակավորման գործընթացին: Այս գործընթացին փորձելու ենք ներգրավել նաեւ միջազգային գործընկերներին՝ հաշտարարների ուսուցում ու որակավորումը միջազգային չափանիշներին համապատասխան իրականացնելու համար: Բացի այդ, կմշակվի հաշտարարության էլեկտրոնային հարթակը, որի միջոցով կիրականացվի հաշտարարների հաշվառումը, ընտրությունը եւ նշանակումը: Իսկ օրենքի ընդունումից հետո մեկ տարի անց արդեն կսկսվի գործել ընտանեկան գործերով պարտադիր հաշտարարության ինստիտուտը:

ԱՌՎԱԷ

ՔԱՆԴՄԱՆ ԵՆԹԱԿԱ ԲՆԱԿԵԼԻ ՏՆԵՐ

**ՀՀ Բաղաձայնության կոմիտեի նախագահ Արմեն Գուլարյանը Ազգային ժողովին ներկայացրեց «Բաղաձայնության մասին» օրենքի նախագիծը, որի նպատակն է անբավարար սեխնիկական վիճակում գտնվող բնակիչների հիմնախնդիրների կանոնակարգմանն ուղեկցող Բաղաձայնությունը սահմանելու մասով ՀՀ կառավարության համար լիազորող նորմերի սահմանումը: Ազգային ժողովի նիստի ժամանակ Գուլարյանը նշեց, որ հեխտրհրդային սահմաններին բնակիչների անվտանգ Կառավարմանն ուղղությամբ համակարգված լայնածավալ աշխատանքներ չեն իրականացվել:**

Բազմաբնակարան շենքերի սեփականատերերի կողմից եւս պարտադիր նորմերը չեն կատարվել անհրաժեշտ ծավա-

լով եւ որակով: Խնդիրների լուծումն ավելի շուտ կրել է իրավիճակային բնույթ: Դրա հետեւանքով զգալիորեն մեծացել է բնակիչների մաշվածությունը: Մասնավորապես՝ մարզերից եւ Երեւան քաղաքից հավաքագրված տվյալների համաձայն՝ հանրապետությունում առկա է անբավարար տեխնիկական վիճակում գտնվող (3-րդ եւ 4-րդ աստիճանի վնասվածություն ունեցող) ավելի քան 600 բազմաբնակարան շենք: Այսինքն՝ առկա տվյալների համաձայն՝ անբավարար տեխնիկական վիճակում է գտնվում հանրապետության մոտ 19 հազար բազմաբնակարան շենքերի 3,2 տոկոսը: հանրապետության բնակավայրերում առկա է նաեւ քանդման ենթակա վթարային՝ 4-րդ աստիճանի վնասվածություն ունեցող ավելի քան 1200 անհատական բնակելի տուն (որից մոտ 1000-ը՝ բնական աղետների հետեւանքով):

Հայեցակարգի հիմնական նպատակն անբավարար տեխնիկական վիճակում

գտնվող բնակիչների հիմնախնդիր կանոնակարգման համար 2021-2023 թվականների ընթացքում իրավական հիմքերի ստեղծումն է հայեցակարգից բխող միջոցառումների ծրագրում ներառված իրավական ակտերի մշակման միջոցով, հիմնախնդիր կանոնակարգման համար լուծումների առաջադրումը, պետական քաղաքականության հիմնական մոտեցումների հստակեցումը եւ այդ մոտեցումների արդյունավետությունը, հասցեականությունը, առաջնահերթությունների ապահովումը:

Նախագծի ընդունմամբ ակնկալվում է անբավարար տեխնիկական վիճակում գտնվող (ուժեղացման եւ վերակառուցման՝ 3-րդ աստիճանի վնասվածություն ունեցող եւ քանդման ենթակա վթարային՝ 4-րդ աստիճանի վնասվածություն ունեցող) բնակիչների հիմնախնդիր կանոնակարգման նպատակով սահմանել լիազորող նորմեր կառավարության համար:

● Անցած 1 օրվա ընթացքում Հայաստանի Հանրապետությունում արձանագրվել է 13 ՃՏՊ, 14 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՅՏՏԱՐԱՐՈՒԹՅՈՒՆՆԵՐ

ՎԻՃԱԿԱԽԱՂԻ ՊԱՅՄԱՆՆԵՐ

Team Telecom Armenia-ն հայտարարում է ամենասիրված «Շեյք» գովազդային վիճակախաղի սոր պայմանների մասին...

Խաղարկությանը մասնակցելու համար պետք է ներբեռնել My Team հավելվածը, այնուհետև օրը մեկ անգամ թափահարել՝ շեյքել հեռախոսը...

«Մեզ համար կարևոր էր այս բացառիկ խաղարկությանը մասնակցելու հնարավորություն տալ բոլորին, այդ պատճառով էլ որոշեցինք ընդգրկել նաև հայաստանյան մյուս օպերատորների բաժանորդներին...

Հայտարարություն (3)

Գայանե Անաստասի Սարգսյանի աճուրդի կազմակերպման եւ անցկացման մասին 2022թ. հոկտեմբերի 21-ին, ժամը 11:30-ին...

Աճուրդի մեկնարկային գինը սահմանվում է 15 155 910 ՀՀ դրամ:

Աճուրդին մասնակցելու համար պետք է ներկայացվեն՝ աճուրդի մասնակցության վճարի եւ նախավճարի վճարումը հաստատող փաստաթղթեր:

Ֆիզիկական անձի դեպքում անձնագրի պատճենը, իսկ իրավաբանական անձի եւ Ա/Ձ-ի դեպքում պետական գրանցումը հավաստող փաստաթղթերի պատճենը:

Աճուրդի մասնակցության վճարի եւ նախավճարի վճարումը հաստատող փաստաթղթեր:

Մասնակցության վճարը կազմում է 151 560 ՀՀ դրամ:

Նախավճարը կազմում է տվյալ լոտի մեկնարկային գնի 5%-ը:

Աճուրդի մասնակցության վճարը եւ նախավճարը վճարվում են Գայանե Սարգսյանի սնանկության հատուկ հաշվին՝ <<Արդշինբանկ>> ՓԲԸ-ի <<Երեւանի>> մասնաճյուղ 2472302882650130 հաշվառման փյունի հայտ ներկայացնելու պահից:

Աճուրդին մասնակցելու ցանկացողները սույն հայտարարությանից հետո՝ ընդհուպ մինչեւ աճուրդին նախորդող օրվա ժամը 16:00-ը կարող են հայտ ներկայացնել Սնանկության դատարանի շենքում /ք. Երեւան, Օսյան 53/2/:

Աճուրդում հաղթող է համարվում առավել բարձր գին առաջարկած մասնակցից:

Ցանկացողները կարող են լուրջ ուսումնասիրել, ինչպես նաև աճուրդի կանոնակարգին ծանոթանալ դիմելով կառավարիչ Արմենակ Էլոյանին /հեռ.094 411 487/:

ԱՌԱՋՆԱՅԵՐԹ

ՏԱՐԿԵՑՈՒՄ ՏԱԼՈՒ ԿԱՄԱԳԻԾ

Աժ-ում քննարկվել է ակադեմիական հիմնով սարկեսում սալու նախագիծը. ԲՏՏՄ ուղղությունները կլինեն առաջնահերթ:

«Ձինվորական ծառայության եւ զինծառայողի կարգավիճակի մասին» ՀՀ օրենքում լրացումներ կատարելու մասին» օրենքի նախագիծն Աժ նիստում ներկայացրել է ՀՀ կրթության, գիտության, մշակույթի եւ սպորտի նախարար Վահրամ Դումանյանը՝ նշելով, որ օրենսդրական փոփոխության առաջարկն անցել է հանրային քննարկումների տեսական փուլ, դրական եզրակացություն է ստացել Աժ պաշտպանության եւ անվտանգության հարցերի մշտական հանձնաժողովում:

Առաջարկվող փոփոխությամբ ՀՀ կառավարությանը կտրվի լիազորություն՝ սահմանելու բուհերի եւ մասնագիտությունների ցանկ, ըստ որի՝ սովորողները կստանան ակադեմիական տարկետում բարձրագույն կրթության բոլոր երեք աստիճաններում՝ բակալավրիատում, մագիստրատուրայում եւ ասպիրանտուրայում:

«Սա առաջին հերթին վերաբերում է բնագիտական, տեխնոլոգիական, ճարտարագիտական եւ մաթեմատիկական (ԲՏՏՄ) ուղղություններով պետության համար առաջնահերթ ու գերակա ոլորտներին:

Պարտադիր զինվորական ծառայության զորակոչից տարկետում տրամադրելու կարգը եւ պայմանները, ինչպես նաև բուհերի ու բնագիտական, տեխնոլոգիական, ճարտարագիտական եւ մաթեմատիկական (ԲՏՏՄ) ուղղություններով համապատասխան մասնագիտությունների ցանկը սահմանելու է ՀՀ կառավարությունը՝ հաշվի առնելով պետության գերակայությունները»,- նշել է Վահրամ Դումանյանը:



թյան գերակայությունները»,- նշել է Վահրամ Դումանյանը:

Առաջարկվող երկրորդ փոփոխությունն առնչվում է ակադեմիական հիմքով տարկետման առավելագույն տարիքային շեմին: Ըստ այդմ՝ Հայաստանում ուսումնառության համար զինծառայությունից տարկետում կտրվի մինչև 28 տարեկանը՝ ներկայումս գործող 27 տարեկանի փոխարեն:

«Այժմ զորակոչի տարիքը մինչև 27 տարեկանն է, սակայն բազմաթիվ են դեպքերը, երբ նշանակալի նվաճումների համար տարկետում ստացած սովորողներն ասպիրանտուրայի երկրորդ կուրսում արդեն իսկ զորակոչվում են բանակ՝ օրենքի պահանջի համաձայն: Այս խնդիրն առաջացել է հանրակրթության

տեղության փոփոխության պատճառով: Հանրակրթության տեղությունը նախկինում 10 տարի էր, այժմ դարձել է 12 տարի, ինչով պայմանավորված՝ կրթության ցիկլի տեղությունը երկարացվել է, մինչդեռ 27 տարեկան շեմը մնացել է անփոփոխ: Նախագծով առաջարկում ենք ուսումնական հիմքով զորակոչից տարկետման իրավունքի տարիքային շեմը մեկ տարով ավելացնել եւ սահմանել 28 տարեկանը, որով կլուծվի խնդիրը»,- ասել է նախարարը:

Աժ պաշտպանության եւ անվտանգության հարցերի մշտական հանձնաժողովի դրական եզրակացությունը ներկայացրել է Աժ պատգամավոր, նշված հանձնաժողովի անդամ Վիլեն Գաբրիելյանը:

ՀԱՅՏՏԱՐԱՐՈՒԹՅՈՒՆ

ՀԱՅՏՏԱՐԱՐՈՒԹՅՈՒՆ (1)

(աճուրդի կազմակերպման եւ անցկացման մասին) 2022թ. Հոկտեմբերի 04-ին, ժամը 12:30-ին նշանակված ԱՁ Հարություն Արշակի Հարությունյանի սնանկության գործով աճուրդ չի կայացել հայտ չլինելու պատճառով:

2022թ. Հոկտեմբերի 25-ին, ժամը 12:30 ՀՀ, ք.Երեւան, Արշակունյաց պող. 5; 311 սենյակ հասցեում նշանակված է ԱՁ Հարություն Արշակի Հարությունյանի սնանկության գործով վերջինիս սեփականության իրավունքով պատկանող գույքի վաճառքը հրապարակային սակարկությունների եղանակով մեկ լոտով:

ԼՈՏ 1. - ԱՁ Հարություն Արշակի Հարությունյանին սեփականության իրավունքով պատկանող շարժական գույք՝ ատամնաբուժական համասարք՝ 2 /Երկու/ հատ, ավտոկլավ՝ 2 /Երկու/ հատ, ախտահանիչ սարք/սուխտար՝ 1 /Մեկ/ հատ, գլոսպերենային ստերիլիզացիոն սարք՝ 1 /Մեկ/ հատ, ջրի թորման սարք՝ 1 /Մեկ/ հատ, պոլիմերիզացիոն սարք՝ 2 /Երկու/ հատ, գերծայնային սկեյլեր՝ 1 /Մեկ/ հատ:

ԱՁ Հարություն Արշակի Հարությունյանին սեփականության իրավունքով պատկանող շարժական գույքը գտնվում է ՀՀ, Լոռու մարզ, ք. Վանոձոր, Բաղրամյան պողոտա 74/2 հասցեում: Հիմնականում 2007-2008թ. Չինաստանի արտադրության ատամնաբուժական սարքավորումներ են: Բոլոր սարքավորումները օգտագործված են, ունեն որոշակի մաշվածություն:

Գույքի աշխատանքային վիճակի հետ կապված փորձարկումներ հնարավոր չի եղել իրականացնել, իրականացվել է գույքի արտաքին ուսումնասիրություն, համաձայն որի գույքը գտնվում է նորմալ աշխատանքային վիճակում, բացառությամբ մեկ ատամնաբուժական համասարքի, որը ոչ աշխատանքային վիճակում է: Գույքի մեկնարկային գինը կազմում է՝ 880,000 (Ութ հարյուր ութսուն հազար) ՀՀ դրամ:

Գույքը հանդիսանում է ԱՁ Հարություն Արշակի Հարությունյանին սեփականությունը: Գույքի ապամոնտաժման, տեղափոխման, առուվաճառքի նոտարական վավերացման եւ պետական գրանցման հետ կապված ծախսերը կատարվելու է գնորդի միջոցներով եւ հաշվին:

Աճուրդին մասնակցելու ցանկացողները, ոչ ու՛շ, քան աճուրդի անցկացման օրվանից հինգ օր առաջ, կարող են հայտ ներկայացնել ՀՀ Սնանկության դատարան՝ ք. Երեւան, Օսյան 53/2 հասցեով: Հայտին կցվում է Ֆիզիկական անձի դեպքում՝ անձը հաստատող փաստաթղթի պատճենը, իրավաբանական անձանց կամ անհատ ձեռնարկատերերի դեպքում՝ պետական գրանցումը հավաստող փաստաթղթերի պատճենները: Հայտին կցվում են նաև նախավճարի, աճուրդի մասնակցության վճարի վճարումը հաստատող անդորրագրերը: Նախավճարը կազմում է տվյալ լոտի մեկնարկային գնի 5 տոկոսը, իսկ աճուրդի մասնակցության վճարը՝ տվյալ լոտի մեկնարկային գնի 1 տոկոսը:

Աճուրդի մասնակցից չհամարվող անձինք, բացառությամբ ՀՀ արդարադատության նախարարության ներկայացուցիչների, աճուրդին ներկա գտնվելու համար վճարում են մուտքի վճար՝ 5.000 ՀՀ դրամ:

Նախավճարը, աճուրդի մասնակցության վճարը եւ մուտքի վճարը վճարվում է պարտապանի անվամբ բացված սնանկության հատուկ հաշվեհամարին՝ «ԱԿԲ ԱՄՆԿ» ԲԲԸ 220531023806000:

Պարտապանին պատկանող գույքը հրապարակային սակարկություններով վաճառելու կարգը սահմանված է ՀՀ Արդարադատության նախարարի 16 մարտի 2020թ N 116-Ն հրամանով:

Աճուրդի դրված գույքն ուսումնասիրելու համար ցանկացողները կարող են զանգահարել սնանկության գործով կառավարչին 077-64-22-00 հեռախոսահամարով՝ մինչեւ աճուրդի անցկացման օրվան նախորդող 5-րդ օրը:

Կառավարիչ՝ Է. Մերոբյան

ՀԱՅՏՏԱՐԱՐՈՒԹՅՈՒՆ (2)

Ես՝ Նարա Էդիկ Յարալյան, կորցրել եմ ԵՊՀ-ի դիպլոմս՝ TB-1 N: 067190, որը ստացել եմ 1992թ.-ին: Համարել անվավեր:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



ԿԱՐԾԻՔ

«ԿՅԱՆՔ ՈՒ ԿՈՒՎ»

ՔՆՆԱՐԿՈՒՄՆԵՐԻ ՀԵՏՔԵՐՈՎ

ArmLur.am-ին հայտնի դարձավ, որ «Շարժ Հոլդինգ» ընկերությունն իր ֆեյսբուքյան էջում անդրադարձել է «Կյանք ու կո՞ւվ» և «Կյանք ու կո՞ւվ. 25 տարի անց» ֆիլմերի ցուցադրել-ցուցադրելուն առնչվող հարցին:

«Վերջին օրերին սոցիալական ցանցերում բազմապիսի քննարկումների թեմա է դարձել «Կյանք ու կո՞ւվ» և «Կյանք ու կո՞ւվ. 25 տարի անց» ֆիլմերի ցուցադրել-ցուցադրելուն առնչվող հարցը: Ֆիլմերի իրավատերը հանդիսացող «Շարժ Հոլդինգ» ընկերությունը հայտնում է, որ երբեմն չի խոչընդոտել ֆիլմի ցուցադրմանը որեւէ հեռուստատարիչով և ներկայումս նույնպես պատրաստ է ցուցադրման արտոնագիր տրամադրելու ցանկացած հեռուստատարիչության, որը կո՞ւվի նման ցանկությամբ:

Ցանկանում ենք նշել, որ հայ մարդու համար հայրենասիրության ու ոգու արիության հիանալի օրինակ դարձած «Կյանք ու կո՞ւվ» և «Կյանք ու կո՞ւվ. 25 տարի անց» ֆիլմերում լավագույնս պատկերված պայքարի հաստատակամությունը հանուն հայրենիքի չափազանց անհրաժեշտ է մեր երկրի համար վճռորոշ այս ժամանակաշրջանում, այդ իսկ պատճառով ֆիլմերը լայն հանրության համար հասանելի են Kinodaran հավելվածում կամ kinodaran.com կայքում», - գրված է ընկերության ֆեյսբուքյան էջում:

ArmLur.am-ը հիշեցնում է, որ Հանրային հեռուստաընկերությունը հաղորդագրություն էր տարածել, որում մանրամասնել էր, թե ինչու չի ցուցադրում «Կյանք ու կո՞ւվ» ֆիլմը:

«Հանրային հեռուստաընկերությունը, արձագանքելով «Կյանք ու կո՞ւվ» ֆիլմի վերաբերյալ հարցումներին, թե ինչու, ֆիլմի հեղինակային իրավունքներն ունենալով հանդերձ, այն չի ցուցադրում,



հայտնում է՝ թե՛ ֆիլմը նկարահանվել է Հանրային հեռուստաընկերության պատվերով և միջոցներով, եւ, ըստ տրամաբանության, հեղինակային իրավունքները պետք է պատկանեին Հանրայինին, փաստացի տնօրինվում են այլ ընկերության կողմից: Միեւնույն ժամանակ հայտնում ենք, որ Հանրային հեռուստաընկերությունն արդեն իրավական գործընթաց է սկսել՝ պարզելու ֆիլմի հեղինակային իրավունքներն այլ իրավատիրոջ փոխանցելու հանգամանքները, վերականգնելու իր իրավունքները, ինչպես նաեւ գնահատելու եւ փոխհատուցելու ընկերությանը հասցված վնասը: Հանրայինն այս խնդրի առնչությամբ դիմում է պատ-

րաստվում ուղղել ՀՀ պետական վերահսկողական ծառայության», - ասվում էր հայտարարության մեջ:

Ֆիլմի ռեժիսորը իր հերթին անդրադարձել էր ստեղծված իրավիճակին՝ գրելով. ««Կյանք ու կո՞ւվ» ֆիլմի ստեղծագործական արժեքը (թե՛ ունի) դժվար վնասվի որեւէ մեկի կողմից:

Եթե հաղթանակած հայկական բանակի մասին ֆիլմը չցուցադրելու պատճառը ոչ թե քաղաքական է, այլ նրանում է, որ չունեք դրա իրավունքը, իրավունք ունեցողին գտնելը փոքր Հայաստանում, կարծում եմ, դժվար չի լինի: Այսօր 2022-ի սեպտեմբերի 30-ն է»:

ԼԻՊԱ ԵՂԻԱՋՈՒՅԱՆ

ԼՈՒՐԵՐ

4-ՐԴ ՏՈՒՐԻ ՊԱՐՏԻԱՆԵՐ

Երեւանում ընթացող ChessMood երկրորդ միջազգային մրցաշարում կայացել են 4-րդ տուրի պարտիաները:

Հայաստանի ներկայացուցիչներից հաղթանակ են տոնել Տիգրան Պետրոսյանը, Մանուէլ Պետրոսյանը, Արման Փաշիկյանը, Էրիկ Չաքրյանը եւ այլք:

4-րդ տուրից հետո մրցաշարային աղյուսակի միանձնյա առաջատարը մինչ այս բացարձակ արդյունք գրանցած Տիգրան Պետրոսյանն է, որը 4 հնարավորից հավաքել է 4 միավոր: 3,5-ական միավոր ունեն Հայկ Երիցյանը, Մանուէլ Պետրոսյանը, Իրանից Ամիրռեզա Բալան, Շահաթ Սարգսյանը, Ֆիդե-ի դրոշի ներքո հանդես եկող ռուս Ալեքսեյ Գոգանովը եւ Իրանից Սոհամեդ Ալիզադեհը:

ChessMood երկրորդ միջազգային մրցաշարի A ենթախմբին այս տարի մասնակցում է 84 շախմատիստ Իրանից, Ֆրանսիայից, Վրաստանից, Հնդկաստանից, Ուկրաինայից, Ռուսաստանից եւ ԱՄՆ-ից:

Մրցաշարն անցկացվում է շվեյցարական մրցակարգով եւ բաղկացած է 9 տուրից:

ՈՒԵՖԱ-Ի ՀԱՆԴԻՊՈՒՄ

Պորտուգալիայի Սեյշալ քաղաքում հոկտեմբերի 5-ին տեղի կունենա ՈւԵՖԱ-ի երիտասարդական լիգայի խմբային փուլի H խմբի «Բենֆիկա» (Պորտուգալիա) - «Պարի Սեն-ժերմեն» (Ֆրանսիա) հանդիպումը:

Հանդիպման մրցավար է նշանակվել Հենրիկ Նալբանդյանը, մրցավարի օգնականներն են Մետոդ Ղազարյանն ու Ատոմ Սեւգուլյանը, հաղորդում է ՀՖՖ-ի կայքը:

Նույն օրը լեհական Լյուբին քաղաքում տեղի կունենա ՈւԵՖԱ-ի երիտասարդական լիգայի Չեմպիոնների ուղու առաջին փուլի «Ջագլեմե Լյուբին» (Լեհաստան) - «Ռուխ Լվով» (Ուկրաինա) հանդիպումը:

Հանդիպման մրցավարն է Աշոտ Ղալթախչյանը, մրցավարի օգնականները՝ Սարգիս Հովհաննիսյանը եւ Գեորգ Շախկալոյանը:

ՊԱՅՔԱՐ՝

ԵԶՐԱՓԱՆԻՉՆԵՐՈՒՄ

Իտալիայում ավարտին մոտեցող բռնցքամարտի Եվրոպայի ավագ տարիքի պատանիների առաջնությունում Հայաստանի 3 մարզիկ եզրափակիչներում պայքարում է ոսկե մեդալների համար:

Եզրափակիչի ուղեգրեր են նվաճել 46 կգ քաշային Վաղարշակ Քեյանը, 52 կգ քաշային Էրիկ Առստամյանն ու 70 կգ քաշային Երանոս Օհանյանը:

Կիսաեզրափակիչում Վաղարշակ Քեյանը հաղթել էր բուլղարացի Ալեքսանդր Պապովին, Էրիկ Առստամյանը՝ իռլանդացի Ջոն Հարթին, Երանոս Օհանյանը՝ Իտալիան ներկայացնող Գաբրիել Մորալին:

ՄԱՐՏԻ 1

«ԳԱՐՈՒՆ Ա» ՏԻԼՍԸ ՀԱՋՈՂՈՒԹՅՈՒՆ Է ԳՐԱՆՅԵԼ

Արցախյան հանրապետության մասին դասնող «Գարուն ա» գեղարվեստական ֆիլմը Եւրոպայում է հաջողություններ գրանցել միջազգային կինոփառատոններում: Այս մասին ArmLur.am-ը տեղեկանում է «Գարուն ա» ֆիլմի ինսագրամյան դասնողական էջից:

Ֆիլմը «Ֆոկուս» միջազգային կինոփառատոնի մրցույթային փուլում անցել է կիսաեզրափակիչ փուլ, միեւնույն ժամանակ «Ֆալկոն» միջազգային կինոփառատոնում արժանացել է մրցանակի:

Հիշեցնենք, որ ֆիլմը Էկրաններ էր բարձրացել 2022 թվականի մարտի 1-ին՝ գարնան առաջին օրը: Այն ֆիլմ է՝ պատերազմի, սիրո, մեր օրերի նվիրյալների, միասնության, պետական մտածողության կերտման ու հայրենասիրության մասին՝ երեք սերունդների աչքերով:

Ֆիլմի գլխավոր պրոդյուսերն Ալեքսանդր Խաչատրյանն է, պրոդյուսերը՝ Դիանա Ավետիսյանը: Սցենարը հեղինակել է Հարություն Ղուկասյանը, օպերատորն է Սուրեն Թադեոսյանը, իսկ կոպրոդյուսորը՝ Արման Էլբերտը, մոնտաժը՝ Միքայել Թորգոմյանի, նկարիչ՝ Տիգրան Ասատուրով:



Դերերում Ալեքսանդր Խաչատրյան, Լեւոն Հախվերդյան, Արմեն Մարգարյան, Մարջան Ավետիսյան, Եվա Զոհրաբյան, Շահաթ Հովհաննիսյան, Ալիս Կապլանջյան,

Վահագն Մարտիրոսյան, Սաթենիկ Հազարյան, Նարինե Պետրոսյան, Թումաշ Ղանեշ Բեդազդի եւ այլք:

Լ ԵՂԻԱՋՈՒՅԱՆ

● Հոկտեմբերի 5-ին Դիլիջանի քաղաքային զբոսայգում տեղի կունենա «Մենք աստղեր ենք» միջոցառումը: Տոմսերի արժեքը՝ 2500 դրամ: Սկիզբը՝ ժամը 13:00-ին, 16:00-ին, 18:15-ին:



Էջը՝ ՈՂՋԱ ՊՈՂՈՍՅԱՆԻ

### ԿՐԹԱԿԱՆ

**ՀԱՐՑ. Որո՞նք են մասնագիտական կողմնորոշման և կարողությունների զարգացման կենտրոնի հիմնական գործառույթները:**  
*Ռախա Մակարյան (25 տարեկան)*



**ՊԱՏԱՍԽԱՆ.** Մասնագիտական կողմնորոշման և կարողությունների զարգացման կենտրոնն իր կանոնադրական գործառույթների շրջանակում հիմնականում իրականացնում է.

-հանրակրթության համակարգում, մասնագիտական ուսումնական հաստատություններում ուսումնառողների, կրթության համակարգից դուրս մասնագիտության, աշխատանքի և զբաղմունքի հարցերում հստակ կողմնորոշում չունեցող, վերամասնագիտացման և վերաորակավորման, աշխատաշուկայի արագ փոփոխվող պայմաններին հարմարվելու կարիք ունեցող անձանց՝ տարիքային առանձնահատկություններով տարբերակված մասնագիտական կողմնորոշման մեթոդաբանության մշակում,

-նախնական (արհեստագործական) և միջին մասնագիտական, բարձրագույն ուսումնական հաստատությունների, համալիր սոցիալական ծառայությունների և զբաղվածության պետական գործակալության տարածքային կենտրոններում, սոցիալական այլ ծառայություններ իրականացնող կառույցներում մասնագիտական կողմնորոշման և կարիերայի խորհրդատվության համակարգի ներդրման մոդելների և մեթոդաբանության մշակում և աջակցություն,

-մասնագիտական ուսումնական հաստատություններում կարիերայի կենտրոններին մեթոդաբանական և խորհրդատվական աջակցության ցուցաբերում,

-մասնագիտական կողմնորոշման և կարիերայի ծառայություններ իրականացնող մասնագետների վերապատրաստման ծրագրերի մշակում, նրանց կարողությունների շարունակական գնահատում և զարգացում, վերապատրաստված մասնագետների կողմից անցկացվող աշխատանքների մշտադիտարկում, մասնագիտական և մեթոդական աջակցություն և խորհրդատվություն (սուպերվիզիա):

**ՀՀ աշխատանքի և սոցիալական հարցերի նախարարություն**

**«ԺՈՂՈՎՈՒՐԳ».** ՀՀ զբաղմունքների միասնական դասակարգչի, մասնագիտական կրթական չափորոշիչների և այլ նորմատիվ իրավական ակտերի հենքի վրա մասնագիտական կողմնորոշման և կարիերայի կառավարման վերաբերյալ հանրամատչելի նյութերի մշակում և տարածում, ՀՀ մասնագիտական կողմնորոշման և կարիերայի քաղաքականության, ռազմավարության, իրականացման ձևերի ու մեթոդների բարելավման ուղղությամբ առաջարկությունների ներկայացում:

### ՍՈՑԻԱԼԱԿԱՆ

**ՀԱՐՑ. Ինչպե՞ս է աշխատող կանանց սրամարվում հղիության և ծննդաբերության արձակուրդ:**  
*Լիլիթ Մինասյան (19 տարեկան)*



**ՊԱՏԱՍԽԱՆ.** Աշխատող կանանց տրամադրվում է հղիության և ծննդաբերության արձակուրդ՝ 140 օր (70 օր՝ հղիության, 70 օր՝ ծննդաբերության), 155 օր (70 օր՝ հղիության, 85 օր՝ ծննդաբերության)՝ բարդ ծննդաբերության, 180 օր (70 օր՝ հղիության, 110 օր՝ ծննդաբերության)՝ միաժամանակ մեկից ավելի երեխաներ ունենալու դեպքում: Այդ արձակուրդը հաշվարկվում է միասին և կնոջը տրամադրվում է ամբողջությամբ: Ժամանակից շուտ ծննդաբերելու դեպքում հղիության արձակուրդի չօգտագործված օրերը գումարվում են ծննդաբերության արձակուրդի օրերին:

Նորածին որդեգրած կամ նորածնի խնամակալ նշանակված աշխատողին տրամադրվում է արձակուրդ որդեգրելու կամ խնամակալ նշանակվելու օրվանից մինչև նորածնի 70 օրական (երկու և ավելի նորածին որդեգրելու կամ երկու և ավելի նորածնի խնամակալ նշանակվելու դեպքում՝ մինչև նորածնների 110 օրական) դառնալը:

Փոխնակ մոր միջոցով երեխա ունեցած աշխատողին (երեխայի կենսաբանական մորը) տրամադրվում է արձակուրդ երեխայի ծնվելու օրվանից մինչև նորածնի 70 օրական (երկու և ավելի նորածնի երեխա ծնվելու դեպքում՝ մինչև նորածնների 110 օրական) դառնալը:

**ՀՀ աշխատանքի և սոցիալական հարցերի նախարարություն**

**«ԺՈՂՈՎՈՒՐԳ».** Երեխային փաստացի խնամող ընտանիքի մոր (խորթ մոր), հոր (խորթ հոր) կամ խնամակալի ցանկությամբ տրամադրվում է երեխայի խնամքի արձակուրդ մինչև երեխայի երեք տարեկան դառնալը: Արձակուրդը վերցվում է ամբողջությամբ կամ մաս առ մաս: Նման իրավունք ունեցող աշխատողն այն կարող է ստանալ հերթականությամբ:

### ԼՈՒՐ ԿԱԴՐ

Լուսանկարը արվել է Երեանում



Դավիթ Անհաղթ փողոցի թիվ 10 շենքի մոտ բախվել են 48-ամյա Անդրանիկ Մկրտչյանի վարած Hyundai Sonata մակնիշի և 24-ամյա Գեորգ Բաղայանի վարած մոպեդը: Բախման հետևանքով մոպեդը կողաշրջվել է, իսկ մոպեդավարը տեղափոխվել է թիվ 1 համալսարանական հիվանդանոց:

### ԲԱԺԱՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել

**«Հայմամուլ» ՓԲԸ**  
հեռ. 45-82-00, 45-19-11

**«Հայփոստ» ՊՓԲԸ**  
հեռ. 51-45-46, 51-45-47

**«Բլից-Մեդիա» ՍՊԸ**  
հեռ. 52-5301

Առաքումը՝ **ԱՆՎՃԱՐ:**



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային ես/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.



**«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.**  
**«Շարունակությունը կարող էք կարդալ «Ժողովուրդ» օրաթերթի այսօրվա համարում»:**

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 4.10.2022

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: